

史

通

評

釋

史通評釋卷第十一

唐劉子玄知幾撰著

明郭孔延延年評釋

弟孔太太初校誤

孔陵陵舄錄刊

外篇

史官建置第一 總十四條

蜉蝣音由蜉蝣  
朝生暮死

夫人寓形天地其生也若蜉蝣之在世如白駒之過隙猶且耻當年而功不立疾沒世而名不聞上起帝主下窮匹庶近則朝廷之士遠則山林之客諒於其功也名也莫不

躋者脚即  
莊矯也  
商巨月頓  
皆統父賊  
子

汲汲焉孜孜焉夫如是者何哉皆以圖不朽之事也何者  
而稱不朽乎蓋書名竹帛而已向使世無竹帛時闕史官  
雖堯舜之與桀紂伊周之與莽卓夷惠之與跖躋商周之  
與曾閔俱一從物化墳土未乾則善惡不分妍媸未滅者  
矣苟史官不絕竹帛長存則其人已亡者成空寂而其事  
如在皎同星漢用使後之學者坐披囊篋而神交萬古不  
出戶庭而窮覽千載見賢而思齊見不賢而內自省若乃  
春秋成而逆子懼南史至而賊臣書其記事載言也則如  
彼其勸善懲惡也又如此由斯而言則史之爲用其利甚  
博乃生人之急務爲國家之要道有國有家者其可缺哉

頌音欵

故備陳其事編之於後其一條

蓋史之建官其來尚矣昔軒轅氏受命倉頡沮誦實著其職至於三代其數漸繁按周官禮記有大史小史內史外史左史右史之名大史掌國之六典小史掌邦國之志內史掌書王命外史掌書使乎四方左史記言右史記事曲禮曰史載筆大事書之於策小事簡牘而已大戴禮曰太子既冠成人免於保傅則有司過之史韓詩外傳云據法守職而不敢爲非者大史令也斯則史官之作肇自黃帝修於周室名目旣多職務咸異至於諸侯列國亦各有史官求其位號一同王者至如孔甲尹逸名重夏殷史佚倚

相譽高周楚晉則伯也司籍魯則丘明受經此並歷代史  
臣之可得言者雖及戰國史氏無廢趙鞅晉之一大夫爾  
猶有直臣直臣通通簡筆於門下田文齊之一公子爾每坐  
對賓對賓記於屏風至若秦趙二主池交會各命其  
御史御史某月諫議諫議此則春秋有舉必書之之義  
也然則官雖無關而書尚有遺故史臣等差莫辨其序按  
呂氏春秋曰夏太史終古見桀惑亂載其圖法出奔商商  
太史高勢見紂迷亂載其圖法出奔周晉太史屠黍見晉  
之亂亦以其圖法歸周又春秋晉齊太史書趙崔之弑鄭  
公孫黑強與於盟使太史書其名且曰七子昭二年晉韓

褚先生名  
少孫

殿音楊

宣子來聘觀書於太史氏見易象與魯春秋曰周禮盡在  
魯矣然則諸史之任太史其取優乎至秦有天下太史令  
胡毋敬作博學章此則自夏迄秦斯職無改者矣漢興之  
世武帝又置太史公位在丞相上以司馬談爲之漢法天  
下計書先上太史副上丞相敘事如春秋及談卒子遷嗣  
遷卒宣帝以其官爲令行太史公文書而已尋自古太史  
之職雖以著述爲宗而兼掌曆象日月陰陽度數司馬遷  
旣歿後之續史記者若褚先生劉向馮商揚雄之徒竝以  
別職來知史務於是太史之署非復記言之司故張衡單  
颺王立高堂隆等其當官見稱唯知占候而已其二條

評曰大戴禮虞史伯夷班彪略論唐虞三代詩書所及  
有史官以司典籍注云夏太史終古殷太史高摯周太  
史儋則虞夏殷周史官之名大略可紀而史通云史官  
肇自黃帝脩於周室似於四代未免遺焉

歸雲集或謂倉頡爲黃帝史官其謬蓋始於宋衷爾世  
本云沮誦倉頡作書未嘗言爲史官也衷乃注云倉頡  
沮誦黃帝史官而韋誕傳玄皇甫謐輩皆從其說不及  
考辨然河圖說徵稱倉帝鴻烈解稱史皇說文稱頡皇  
曰帝曰皇豈人臣哉故崔瑗曹植蔡邕索靖張揖顧野  
王皆以倉頡爲古帝不得稱爲黃帝史官云又曰黃帝

主書史之臣則沮誦作雲書孔甲爲史執青纂記言動  
惟實九盤孟邊豆奩鏡劍履與席巾校子矛戶牖之間  
莫不注銘以示勅戒孔甲之銘周公嘗誦之於成王矣  
蔡邕銘論云黃帝有几巾之銘孔甲有盤孟之戒杜甫  
亦云風后孔甲充其佐或以爲夏孔甲非又曰黃帝史  
官孔甲夏后亦有孔甲孔子八世孫鮒亦曰孔甲

評曰據歸雲之論倉頡古帝非黃帝之史臣孔甲爲史  
非夏王之孔甲又史記載武王立社召公奭贊采師尚  
父牽牲尹佚筮祝則尹佚周臣也史通曰孔甲尹逸名  
重夏殷孔甲非史臣尹逸非殷人豈別有所據邪佚與



逸同史記無逸作無佚

孫伯鸞孫伯宇鸞名司晉典籍故稱籍鸞

夏太史令終古黃帝裔任姓之後也終一作終一作洛  
高勢一作向勢屠黍歸周威公俱見呂氏春秋先識覽  
困學紀聞說苑晉太史屠餘見晉平公之驕以其國法  
歸周周威公見而問焉曰天下之國孰先亡對曰晉先  
亡居三年晉果亡愚謂平公後三年晉未亡也是時兩  
周末分亦無周威公呂氏春秋晉太史屠黍見晉公之  
驕高誘注以爲晉出公當從呂覽然晉政在大夫父矣  
非以驕亡也屠黍不可謂知幾

游楚子南

左昭元鄭為游楚亂故六月丁巳鄭伯及其大夫盟于  
公孫段氏罕虎公孫僑公孫段印段游吉駟帶私盟于  
閨門之外實黷隧公孫黑強與於盟使大史書其名且  
曰七子子產弗討閨門鄭城門黷隧門外道名黑  
自欲同於六亂卿故曰七子  
胡母姓敬名姓苑云齊宣王母芾別封母鄉遠本胡公  
近取母邑故為胡母氏又志云蒼頡七章蔡丞相李斯  
作爰歷六章車府令趙高作博學七章太史令胡母敬  
作文字多取史籀篇而篆體頗異

索隱曰褚先生補史記合集武帝事以編年今止取封  
禪書補之信其才之薄也張晏云褚先生潁川人仕元

褚先生一  
云會稽人

成間韋稜云褚少孫梁相褚大弟之孫宣帝時爲博士

藝文志太史公百三十篇

十篇有錄無書

馮商續七篇韋昭曰

馮商受詔續太史公十餘篇在班彪別錄商字子高師古曰七略云商陽陵人治易事五鹿充宗後事劉向能屬文後與孟柳俱待詔頗序列傳未卒病死藝文志又有待詔馮商賦九篇

南陽張衡字平子好玄經謂崔瑗曰吾觀太玄方知子雲妙極道數乃與五經相擬東漢安帝時爲大史令作渾天儀者靈憲算罔論

泰山高堂隆字升平青龍中侍中領太史令陳壽曰高

帝改元時  
有青龍見  
片中

堂隆學業脩明志存匡君因變陳戒發於懇誠忠義成  
評曰崔瑗稱平子數術窮天地制作倖造化陳壽贊升  
平志存匡君發於忠誠讀思玄賦與高堂奏議可想見  
其爲人不徒知占候已爾

當王莽代漢改置柱下五史秩如御史聽事侍傍記跡言  
行蓋劾古者動則左史書之此其義也

其三條

漢氏中興明帝以班固爲蘭臺令史詔撰光武本紀及諸  
列傳載記又楊子山爲郤上計吏獻所作哀牢傳爲帝所  
異徵詣蘭臺斯則蘭臺之職蓋當時著述之所也自章和  
已後圖籍盛於東觀凡撰漢記相繼在乎其中而都謂者

作意無它稱

其四條

論衡楊終子山爲郡上計吏見三府掾史爲哀牢傳不能成歸郡作上孝明奇之召在蘭臺前漢百官表御史大夫秦官有兩丞一曰中丞在殿中蘭臺掌圖籍秘書後漢百官志蘭臺令史六百石本注曰掌奏及印工文書

後漢書地理志哀牢永平中置故牢王國雲南通志永昌有哀牢山在府東二十里本名安樂夷語訛爲哀牢非也故牢王國爲是

當魏太和中始置著作郎職隸中書其官卽周之左史也

康帝書  
改元

長子吳

晉元康初又職祿秘書著作郎一人謂之大著作專掌史

任又置佐著作郎八人宋齊已來以佐名施於作下

改佐著作

郎為著

佐郎舊事佐郎職知惇樸正郎資以草傳如正佐有失

則秘監職司其愛其有才堪撰述學綜文史雖居他官或

無領著作亦有雖為秘書監而仍領著作郎者若中朝之

華嶠陳壽陸機東晉江左之王隱虞預于寶孫盛宋之徐

爰蘇寶生梁之沈約裴子野斯立史官之尤美著作之妙

選也而齊梁二代又置脩史學士陳氏因循無所變革若

劉涖謝吳觀野王許善心之類是也

共五條

高陽許善心字務本隋黃門侍郎撰方物志煬帝嘗言

郤音除

陳壽傳  
十一卷  
孫  
時除  
封  
歸  
本  
候

又文帝受命之符因問鬼神之事敕善心與崔祖濟撰  
實纂記十卷初善心父著梁史未就歿善心修續家書  
後死於宇文士及之難

至若備隅贊國夷狄偽朝求其史官亦有可言者按蜀志  
稱王崇補東觀許益掌禮儀又郤正為秘書郎廣求益部  
書籍斯則典校無闕為辭有所失而陳壽評云蜀不置史  
官者得非厚誣諸葛平別有曲筆篇言之詳矣吳歸命時  
有左右二國史之職薛瑩為其左華嚴為其右又周處自  
左國史遷東觀今以斯考察則其班秩可知其六條

評曰陳壽譏武侯國不置史注記無官是以行事多違

災異靡書第考壽志章武二年夏六月黃氣見自秭歸  
十餘里中廣數十丈景耀元年史官言景星見於是大  
赦改年何其言之自相左也子玄以王崇許蓋邵正駁  
之當矣第未有蜀史可稱豈官卽設史未就邪蜀志注  
雖引王隱蜀記孫盛蜀世譜隱盛皆晉人也譙周有蜀  
本紀考周仕蜀爲光祿大夫亦未爲史官豈降魏後作  
邪

蜀志邵正字令先偃師人蜀秘書令史遷郎至今當世  
美書善論益部有者則鑢鑿推求略皆寓目後主東遷  
洛陽惟正及殿中督汝南張通舍妻子單身隨侍時論



嘉寧傳漢  
劉勰改元

苞音包

嘉之

偽漢嘉平初公師或以太中大夫領左國史撰其國君臣  
紀傳前凉張駿時劉慶遷儒林郎中常侍在東苑撰其國  
書蜀與西凉三朝記事委之門下南凉主烏孫初定霸其  
欲造國紀以其然軍郎韶爲國紀祭酒使撰錄時事自餘  
偽事多置著作官若前趙之和苞後燕之董統是也其七條  
公師或襄陵人善相見劉淵驚曰此人形貌非常吾所  
未見也官至太中大夫爲劉聰所誅中黃門凌脩與中  
常侍王沉等寵幸用事構或與尚書王琰田歆少府陳  
休左衛卜崇大司農朱誕聰一日而尸七卿公師姓或音

辛晏阻兵於枹罕張駿譙羣寮於閑豫堂命竇漪等進討辛晏從事劉廙諫曰霸王不以喜怒興師不以乾沒取勝必須天時人事然後起也辛晏父子安忍凶狂其亡可待奈何以饑年大舉猛寒攻城昔周武迴戈以須亡殷之期曹公緩袁氏使自斃何獨殿下以旋兵爲耻乎駿納之

元魏初稱制卽有史臣雜取它官不常厥職故如崔浩高閭之徒唯知著述而未列名號其後始於秘書置著作局正郎二人佐郎四人其佐三史者不過一二而已晉泰以來三史稍替別置修史局其職有六人當代都之時史臣

譯言也

每上奉主言下詢國俗兼取工於翻譯者來直史曹又洛京之末朝議又以爲國史當專任代人不宜歸之漢士於是以谷纂山偉更主文籍凡經二十餘年其事闕而不載斯蓋猶秉夷禮有互鄉之風者焉

其八條

評曰史通云谷纂山偉更主文籍考魏史亡谷纂姓名止李延壽山偉傳云國史自鄧彥海崔深崔浩高允李彪崔光以還諸人相繼撰錄纂雋又偉等諂說上黨王天穆及介朱氏世隆以爲國書正應代人修緝不宜委之餘人是以纂偉等更主文籍守舊而已初無述著故自崔鴻死後迄終偉身二十許載時事蕩然萬不記一

謚字疑

後人執筆無所憑據史之遺闕偉之由也所云恭偉恭  
儻山偉也豈誤以恭儻爲谷纂邪恭儻另有傳

恭儻字櫟顯洛陽人其先居代儻孝莊時仕累遷爲滄  
州刺史孝武帝入關加散騎常侍驃騎大將軍

山偉字仲方洛陽人其先居代偉涉獵文史孝莊入宮  
領著作郎節閔帝立除秘書監仍著作孝靜初除衛大  
將軍中書令監起居後以本官復領著作卒

高齊及周迄于隋氏其史官以大臣統領者謂之監修國  
史自領則近循魏代遠効江南參雜其間變通而已唯周  
建六官改著作之正郎爲上士佐郎爲下士名謚雖易而

乳音舊乳  
一作蚪  
王劭注卷  
大業隋書  
帝改元

班秩不殊如魏收之擅名河朔柳虬之獨步關右王劭魏  
澹展効於開皇之朝諸葛頡頁劉炫宣功於大業之世亦各  
一時也其凡條

河東柳蚪字仲盤周文帝時秘書丞領著作修起居注  
上言史官書善王劭注徒聞後世無益當時人以  
為謹

鉅鹿魏收字伯起魏中書舍人與濟陰溫子昇河間邢  
子才齊譽世號三才武定二年除中書侍郎修國史齊  
受禪詔撰魏史又詔平原王高隆之總監之帝敕收曰  
好直筆我終不作魏太武誅史官始魏初鄧彥海撰大

澹字彥  
淵唐

記十餘卷其後崔浩典史游允程駿李彪崔光李琰之  
郎知世修其業洽爲繡年體彪始分作紀表志傳書猶  
未出宣武時命邢巒追撰孝文起居注書至太和十四  
年又命崔鴻王遵業補續下訖孝明事甚委悉齊陰王  
暉業撰辯宗室錄三十卷收於是與通直常侍房延祐  
司空司馬辛元植國子博士刁柔裴昂之尚書郎高孝  
幹專總斟酌以成魏書辯定名稱隨條甄舉八史采亡  
遺綴續後事備一代史籍書成衆口誼然號爲機史齊  
亡之歲收豕披發棄其骨於外

魏澹字彥深季景子收族弟也齊殿中郎中書舍人與

李德林脩國史隋帝以魏收所撰後魏書褒貶失實平  
繪爲中興書事不倫序詔澹別成魏史澹自道武下及  
恭帝爲十一紀七十八列傳別爲史論及例各一卷合  
九十二卷義例與收多異

丹楊諸葛穎字漢隋著作郎煬帝甚見親幸穎因隙多  
所譖毀人謂之冶葛撰變駕北巡記一卷幸江都道里  
記一卷洛陽古今記一卷

梁皇家之建國也乃別置史館通籍禁門西京則與鸞渚  
爲鄰東都則與鳳池相接厥館宇華麗酒饌豐厚得廁其  
流者實一時之美事至咸亨年以職司多濫高宗喟然而

宋本諸全  
文作小字  
注

武德唐高  
祖改元  
武后改元  
李仁實年  
鳳及詳十  
二卷

稱曰朕甚惜焉乃命所司曲加推擇如有居其職而闕其  
才者皆不符預於修撰詔曰脩撰國史義存典實自非操  
履忠正識量該通才學有聞難堪斯任竊聞近日以來但  
居此職卽知修撰非唯編紕訛舛亦恐漏洩史事自今後  
宜遣史司精簡堪修史人灼然爲衆所推者錄名進內自  
餘雖居史職不得輒聞見所脩史籍及未行用國史等之  
事由是史臣拜職多取外司著作一曹始成虛設凡有筆  
削畢歸于餘館始自武德迄乎長壽其間若李仁實以直  
辭見憚敬藩以敘事推工許敬宗之矯妄牛鳳及之狂惑  
此其善惡尤著者也其十條



李仁實潁丘人官左史著格論通曆等書

蒲州敬播貞觀初進士時顏師古孔穎達撰次隋史詔播詣秘書內省參纂再遷著作佐郎兼修國史又與令狐德棻等撰晉書房玄齡嘗稱播陳壽之流

杭州許敬宗字延族署文學館學士貞觀中除著作郎兼修國史初太子承乾廢官屬張玄素令狐德棻趙弘智裴宣機蕭綽皆除名敬宗爲言帝悟多所甄復高宗卽位進中書令初高祖太宗實錄敬播所譏信而詳又敬宗竄改不平事出已私

又按晉令著作郎掌起居集注撰錄諸言行勳伐舊載史

籍者元魏置起居令史每行幸讌會則在御左右記錄帝言及賓客訓對後別置修起居注二人多以餘官兼掌至隋以吏部散官及校書正字閑於述注者修之納言監領其事煬帝以爲古有內史外史今既有著作宜立起居遂置起居舍人一員職隸中書省如庾自直崔濟祖虞世南蔡允恭等咸居其職時謂得人唐氏因之又加置起居郎二員職與舍人同每天子臨軒侍立於玉階之下下起居左舍人居其右人主有命則通階延首而聽之退而編錄以爲起居注龍朔中改名左史右史今上卽位仍從國初之號焉高祖太宗時有令狐德棻呂才蕭綽褚遂良上官

儀高宗則天時有李安期顧胤高智周張大素凌季友斯  
竝當時得名朝廷所屬也夫起居注者編次甲子之書至  
於策命章奏封拜薨免莫不隨事記錄言惟詳審凡欲撰  
帝紀者皆因之以成功卽今爲載筆之別曹立言其  
故略述其事附於斯篇 其十一條

潁川庾自直隋著作佐郎化及倖達與之北上自載露  
車中感激發病卒

崔濟祖唐書作祖濟

餘姚虞世南隋秘書郎貞觀初拜員外散騎侍郎弘文  
館學士

蔡允恭武德初爲秦王府參軍

博州呂才貞觀時直弘文館參論樂事帝嘗覽周武帝  
三局象經不能通或言太子洗馬蔡允恭能之召問允  
恭少通其略老乃忘試問才退一昔卽解其圖以聞允  
恭記其舊與才正同

蕭約瑀從子梁明帝孫也永徽中諫議大夫弘文館學  
士

褚遂良字登善亮子貞觀中起居郎遷諫議大夫拜中  
書令後以諫立武后貶愛州卒

陝州上官儀字游韶貞觀初弘文館直學士高宗時進

西臺侍郎麟德元年坐梁主忠事下獄死中宗時追贈  
中書令

蘇州顧胤永徽中起居郎兼修國史以撰太宗實錄加  
弘文館學士

常州高智周儀鳳初進同中書門下三品是時崔知溫  
劉景先修國史故智周與郝處俊監莅久之罷爲御史  
大夫

又按詩邶風靜女之三章君子取其彤管夫彤管者女史  
記事規誨之所撈也古者人君外朝則有國史內朝則有  
女史內之與外其任皆同故晉獻惑亂驪姬夜泣床第之

邶音佩形  
音同管叶  
古反

明德注  
卷

附志魚素  
推舉各八  
十九卷唐  
志魚素魏  
畧五十卷

私房中之事不得掩焉楚昭王讌遊蔡姬許從孤死矣夫  
宴私而有書事之用蓋受命者卽女史之流乎至漢武帝  
時有禁中起居注明德馬皇后撰明帝起居注凡斯著述  
似出宮中求其職司未聞位號隋世王劭上疏請依古法  
復置女史之班具錄內儀付於外省文帝不許遂不施行  
大抵自古史官其公革廢置如此夫仲尼脩春秋公羊高  
作傳漢魏之陸賈魚豢晉宋之張璠范曄雖身正史職而  
私撰國書若斯人者有異於是故不復詳而錄之卷十二

評曰考邶風靜女章靜女其蠻貊我彤管彤管有煒說  
澤女美注彤管未詳何物蓋相贈以結殷勤之意史通

以爲文史記事之所擗者似筆也子玄當另有據又考  
韻書彤丹飾也赤也詩言彤管有煒注煒赤貌豈丹筆  
邪

國語優施教驪姬夜半而泣謂獻公曰君盍殺我無以  
一妾亂百姓公曰太子惠其民而不惠於其父乎驪姬  
曰君盍老而授之政彼得政而行其欲得其所索乃其  
釋君公曰不可爾勿憂吾將圖之

列女傳越姬者越王勾踐之女楚昭王之姬也昭王燕  
遊蔡姬在左越姬參右乃顧謂二姬曰樂乎蔡姬對曰  
樂王曰吾願與子生若此死又若此蔡姬曰願與子同樂

死同時王顧謂史書之蔡姬許從孤死矣乃復謂越姬  
越姬曰樂則樂矣然而不可久也妾不敢聞命於是王  
悟

夫爲史之道其流有二何者書事記言出自當時之簡勒  
成刪定歸於後來之筆然則當時草創者資乎博聞實錄  
若董狐南史是也後來經始者貴乎雋識通才若班固陳  
壽是也必論其事業前後不同然相頌而成其節一矣其

三條

評曰書記於當時難刪定於後來易故南史兄弟不免  
其身董狐非看亦南之續矣孟堅承祚得從容優游以



卒漢書國志之業而無南董之旣時異故也孟堅瘦死  
乃當實之過非作史之尤

觀夫周秦已往史官之取人其詳不可得而聞也至於漢  
魏已降則可得而言然多稱虛號有幾其無實按劉珍蔡邕王沉魚豢之徒  
皆當代所撰能成其事者蓋唯劉珍蔡邕王沉魚豢之徒  
耳而舊史載其同作非止一家如王逸阮籍亦預其列且  
叔師研尋章句儒生之腐者也嗣宗沉湎麴蘖酒徒之狂  
者也斯豈能措置時事裁成國典乎而近代趨競之士尤  
喜居史職至於措辭下筆者十無一二焉旣而書成繕寫  
則署名同獻爵賞旣行則機袂爭受遂使是非無準真偽

相雜生則厚誣當時死則致惑來代而書之譜傳以爲美  
談載之碑碣增其壯觀旣而自雁行事稱其所長則云某  
代著某書某年成某史加封若干戶獲賜若干段諸如此  
類往往而有遂使讀者皆以爲名實相符功賞相副昔魏  
帝曰舜禹之事吾知之矣此則効歟

其十四條

延按末四句疑有脫漏

史述評釋卷第十二

唐劉子玄知幾撰著

明郭孔延延年評釋

弟孔太太初校誤

孔陵陵鳥錄刊

外篇

古今正史第二 總十八條

易曰上古結繩以理後世聖人易之以書契儒者云伏犧氏始畫八卦造書契以代結繩之政由是文籍生焉又曰伏犧神農黃帝之書謂之三墳言大道也少昊顓頊高辛

唐虞之書謂之五典言常道也春秋傳載楚左史能讀三墳五典禮記曰外史掌三皇五帝之書由斯而言則墳典文義三五典策至於春秋之時猶大行於世是及後世其書不傳惟唐虞已降可稱言者然自堯而往聖賢之書其一二髣髴存焉而後世諸子廣造奇說其語不經其書非聖故馬遷有言神農以前吾不知矣班固亦曰顓頊之事未可明也斯則墳典所記無得而稱者焉

右說三墳五典

晁公武曰古三墳書一卷張天覺言得之於北陽民家墳皆古文而傳乃隸所謂三墳者山氣形也七略所

志皆無之世以爲天覺僞撰

陳氏曰元豐中毛漸正仲舉使京西得之唐州民舍其  
辭詭誕不經蓋僞書也三墳之名惟見於左氏右子子  
革之言蓋自孔子定書斷自唐虞以下前手唐虞無徵  
不信不復采取於時固已影響不存今去二千載而其  
書忽出何可信也況皇謂之墳帝謂之典皆古史也不  
當如毛所錄其僞明甚鼎公武云張商英僞撰以此李  
筌陰符經

馬端臨曰按夫子所定之書其亡於秦火而漢世所不  
復見者蓋杳不知其爲何語矣况三墳已見削於夫子

而謂其書忽出於元豐間其謬可知夾添好奇而尊信之過矣又况詳孔安國書序所言則墳典書也蓋百篇之類也八索易也蓋彖象文言之類也今所謂三墳者曰山墳氣墳形墳而以為連山歸藏坤乾之所由作而又各有所謂大象六十四卦則亦是易書而與百篇之義不類矣豈得與五典竝稱乎

桓譚新論勿連山八萬言歸藏四千三百言古文尚書舊有四十五卷為十八篇古帙禮記有五十六卷古論語二十一卷古孝經一卷二十章千八百七十二字今異者四百餘字蓋嘉論之林藪文義之淵海也延按新

論不及三墳而有尚書則三墳在漢業已不傳

評曰張平子說三禮禮爲人防墳大防也五典五帝之常道也馬融三氣天地人之氣也五典五行也古人論墳典其說不同如此則書已久亡矣史通謂墳典所記無得而稱諒矣夫三墳之書漢唐業已不傳至宋始出鴈也北史云劉炫偽造連山易連山可偽惡知三墳非偽乎

堯舜相承已見墳典周監二代各有書籍至孔子討論其議刪爲尚書始自唐堯下終秦繆其言百篇而各爲之序屬秦爲不道坑儒禁學孔子之末孫曰孔惠壁藏其書漢

室龍興旁求儒雅聞故秦博士伏勝能傳其業詔太常使  
掌故晁錯受焉時伏生年且百歲言不可曉口授其書纔  
二十九篇自是傳其學者有歐陽氏大小夏侯宣帝時復  
有河內女子得秦誓一篇獻之與伏生所誦合三十篇行  
之於世其篇所載年月不與序相符合又與左傳國語孟  
子所引秦誓不同故漢魏諸儒謂馬融鄭玄王肅也咸疑其繆古文  
尚書者卽孔惠之所藏科斗之文字也魯恭王壞孔子舊  
宅始得之於壁中博士孔安國以校伏生所誦增多二十  
五篇更以隸古字寫之編爲四十六卷司馬遷採其事故  
遷多有古說安國又受詔爲之訓傳值武帝末巫蠱事起



齊明帝時  
此

經籍道息不獲奏上藏諸私家劉向取校歐陽大小夏侯  
三家經文脫誤甚衆至於後漢孔氏之本遂絕其有見於  
經典者諸儒皆謂之逸書馬融鄭玄杜預也王肅亦注今文尚書

而大與古文孔傳相類或肅私見其本而獨秘之乎晉元  
帝時豫章王內史梅賾始以孔傳奏上而缺舜典一篇乃  
取肅之堯典從賾徵以下分爲舜典以續之自是歐陽本  
小夏侯家等學馬融鄭玄王肅諸注廢而古文孔傳獨行  
列於學官永爲世範齊建武中吳興人姚方興采馬王之  
義以造孔傳舜典云於大航購得詣闕以獻舉朝集議咸  
以爲非梁武帝時爲博士議曰孔故稱伏生誤合五篇蓋  
文句相連所以或合舜典必有曰若稽古伏生雖

云昏耄何容由及江陵板蕩其文入北中原學者得而異  
足遂不見用也之隋學士劉炫遂取此一篇列諸本第故今人所習尚書  
舜典元出於姚氏者焉

右說尚書

評曰孔安國序云伏生以舜典合於堯典孔穎達云張  
霸之徒僞作舜典姚方興所得古文孔傳舜典止乃命  
以位二十八字自慎徽五典以下固具於伏生書也史  
通謂今人所習尚書舜典元出於姚似舜典一篇盡出  
於姚則未確也蔡仲默注甚詳當參看焉又劉炫仕隋  
不達官終太常博士未爲學士

名伏勝  
字子賤

又曰隋經籍志云漢武帝時魯恭王壞孔子舊宅得其  
末孫惠所藏書字皆古文顏師古曰家語記孔勝字襄  
畏秦法峻急藏尚書孝經論語於夫子舊堂中而漢記  
尹敏傳云孔鮒所藏史通孔惠之說出隋志而孔勝孔  
鮒二說見文獻通考經籍考未知孰是

鄭康成序云伏生勝爲秦博士至孝文時年且百歲張  
生歐陽生從其學而授之音聲猶有訛誤先後猶有差  
舛重以篆隸之殊不能無失生終後數子各論所聞以  
已意彌縫其闕別作章句又特撰大義因經屬指名之  
曰傳劉向校書得而上之凡四十一篇至康成始詮次

爲八十三篇

儒林傳秦時伏生壁藏漢定求其書亡數十篇獨得二十九篇教於齊魯之間孝文詔太常使掌故晁錯往受之注師古曰衛宏定古文尚書序云伏生老不能正言言不可曉使其女傳言教錯齊人語多與潁川異錯所不知凡十二三略以其意屬讀而已

晉書鄭冲以古文授蘇愉愉授梁柳柳之內兄皇甫謐又從柳得之而柳又以授臧曹曹始授梅賾賾乃奏上其書而施行焉

馬融字季長東觀典校祕書嘗欲訓左氏春秋及見賈

達鄭衆注乃曰賈君精而不博鄭君博而不精既精既博吾何加焉但著三傳異同說

北海鄭玄字康成事馬融辭歸歎然曰鄭生去吾道東矣玄所注周易尚書毛詩儀禮禮記論語孝經尚書大傳中侯乾象曆又著天文七政論魯禮祫義六統論毛詩譜駁許慎五經異義答臨孝存周禮難凡百餘萬言

當周室微弱諸侯力爭孔子應聘不遇自衛而歸乃與魯君子左丘明觀書於太史氏因魯史記而作春秋上遵周公遺制下明將來之法自隱及哀十二公行事經成以授

有錄無書  
有目無而  
仲舒注二  
卷

弟子弟子退而異言丘明恐失其真故論本事而為傳明  
夫子不以空言說經也春秋所貶當世君臣其實皆形  
於傳故隱其書而不宣所以免時難也及末世口說流形  
故有公羊穀梁鄒夾之傳鄒氏無師夾氏有錄無書故不  
顯於世漢興董仲舒公孫弘竝治公羊其傳習者有翟頴  
二家之學宣帝卽位聞衛太子私好穀梁乃召名儒蔡子  
秋蕭望之等大議殿中因置博士平帝初立左氏逮於後  
漢儒者數延毀之會博士李封卒遂不復用述和帝元興  
十一年鄭興父子奏請重立於學官至魏晉其書漸行而  
二傳亦廢今所用左氏本卽杜預所注者

右說春秋

戴宏序云子夏傳之公羊高。高傳其子平。平傳其子地。地傳其子敢。敢傳其子壽。至漢景帝時壽乃與弟子胡毋子都著以竹帛。其後傳董仲舒以公羊顯于朝。又四傳至何休爲經傳集詁。其書遂大傳。鄭玄曰公羊善於識休之注。引識爲多。應劭風俗通稱穀梁名赤。子夏傳。子康信則以爲秦孝公同時人。阮孝緒則以爲名倣字元始。皆未詳也。自孫卿申公至蔡千秋江翁凡五傳。至漢宣帝好之。遂盛行於世。

隋經籍志曰。遭秦滅學。口說尚存。漢初有公羊穀梁鄭

氏夾氏四家竝行王莽之亂鄒氏無師夾氏有錄無書

夾音類

公孫弘菑川薛人年四十餘乃學春秋雜說蕭望之字長倩東海蘭陵人俱詳漢書本傳

儒林傳武帝尊公羊家由是大興胡毋生弟子嬴公授

孟卿眭孟眭孟授嚴

本姓

彭祖顏安樂由是有嚴顏之

學

音貢  
古送切

開封鄭興字少贛少學公羊春秋晚善左氏傳通達其旨同學者皆師之子衆字仲師從父受左氏春秋明三統歷作春秋難記條例後受詔作春秋刪十九篇



杜陵杜預字元凱晉當陽縣侯爲春秋左氏經傳集解  
又參攷衆家譜第謂之釋例又作盟會圖春秋長歷備  
成一家之學

評曰左勝公穀子玄三長五短之說備矣當西漢盛時  
尊公穀而絀左何也一則左書未著二傳獨行一則當  
其時衛太子宣帝以人主而好穀董仲舒公孫弘以大  
儒而好公上有好者下有甚焉左其如公穀何其後劉  
歆鄭興父子奏立學官至杜預而著至于玄而申訖於  
今日家習其書嗟乎龍蠖有時母論人之行藏卽典籍  
亦爾

又當春秋之世諸侯國自有史故孔子求衆家史記而得  
百二十國書如楚之書鄭之志魯之春秋魏之紀年此其  
可得言者左丘明旣配經立傳又撰諸異同號曰外傳國  
語二十一篇斯蓋採書志等文非唯魯之史記而已楚漢  
之際有好事者錄自古帝王公侯卿大夫之世終乎秦襄  
號曰世本十五篇春秋之後七雄竝爭秦并諸侯則有戰  
國策三十三篇漢興太中大夫陸賈紀錄時政作楚漢春  
秋九篇孝武之世太史公司馬談欲錯綜古今勒成一史  
其意未就而卒子遷乃述父遺志採左傳國語剛世本戰  
國策據楚漢列時事上自黃帝下訖麟趾作十二本紀十

地名火格  
卷十一表

表八書三十世家七十列傳凡百三十篇都謂之史記協  
厥六經異傳整齊百家雜語藏諸名山副在京師以俟後  
聖君子至宣帝時遷外孫楊惲祖述其書遂宣布焉而十  
篇未成有錄而已張晏漢書注云十篇元成之間會稽褚先生更補其缺作武帝紀三王世家龜策日者辭多鄙陋  
非遷本意也晉散騎常侍巴西譙周以遷書周秦已或  
采家人諸子不專據正經於是作古史考二十五篇皆憑  
舊典以糺其繆今則與史記並行於代焉

右說史記

張晏曰遷沒之後亡景武紀禮樂兵書漢興將相年表

三王世家曰者龜策勅見列傳元成之間褚先生補作武紀三王世家曰者龜策傳言辭鄙陋非遷本意顏師古曰本無兵書張說非也

楊惲華陰人父敞母司馬遷女也惲始讀外祖太史公記頗爲春秋以材能稱以驕奢不悔誅

蜀志譙周字允南西充國人蜀光祿大夫降魏封陽城亭侯入晉爲散騎常侍著法訓五經論古史考隋志古史考二十五卷左傳正義譙周考古史謂炎帝與神農二人小司馬三皇本紀按古史考

評曰譙周以司馬遷史記書周秦以上或採俗語百家

之言不專據正經於是作古史考二十五篇皆憑舊典  
糾遷謬誤司馬彪復以周爲未盡善也條古史考中凡  
百二十二事爲不當多據汲冢紀年之義宋蘇子由又  
作古史始伏犧訖秦始皇朱子稱其近理其後廬陵羅  
泌作路史明應城陳士元作荒史尚論古初率多謬悠  
善乎楊朱之言曰三皇之事若存若亡五帝之事若  
若覺三王之事或隱或顯億不識一當身之事或見或  
聞萬不識一目前之事或存或廢千不識一此可以論  
古史矣

史記所書年止漢武太初已後闕而不錄其後劉向向子

歆及諸好事者若馮商衛衡楊雄史岑梁審肆仁晉馮駁  
肅金丹馮衍常融蕭奮劉恂等相次撰續迄于哀平間猶  
名史記至建武中司徒掾班彪以爲其言鄙俗不足以踵  
前史又雄歆褒美僞新誤後惑衆不當垂之後代者也於  
是採其舊事旁貫異聞作後傳六十五篇其子固以父所  
撰未盡一家乃起元高皇終乎王莽十有二世二百三十  
年綜其行事上下通洽爲漢書紀表志傳百篇其事未畢  
會有上書云固私改作史記者有詔京兆收繫悉錄家書  
封上固第超詣闕自陳明帝引見言固續父所作不敢改  
易舊書帝意乃解卽出固徵詣校書受詔卒業經二十餘

大家名昭

二名姓字

愚近家子

姑家者耳

其利如

婦之於姑

之義也其

後唐有題

大家

漢紀卷

八

載

至

章

帝

載至章帝建初中乃成固後坐竇氏事卒於洛陽獄書頗

散亂莫能綜理其妹曹大家博學能屬文奉詔校敘又選

高才郎馬融等十人從大家授讀其人表及天文志等猶

未克成多是待詔東觀馬續所作而古今人表不類本書

始自漢末迄乎陳世為其注解者凡二十五家至於專門

受業與五經相亞初漢獻帝以圖書文煩難省乃詔侍中

荀悅依左氏傳刪為漢紀三十篇命秘書給紙筆經五年

乃就其言簡要亦與本傳並行

右說漢書

晁氏曰前漢書一百卷後漢書武司馬班固續遷史記

晁氏曰前漢書一百卷後漢書武司馬班固續遷史記

晁氏曰前漢書一百卷後漢書武司馬班固續遷史記

晁氏曰前漢書一百卷後漢書武司馬班固續遷史記

疾音命即  
痾病死於  
獄也

撰十二帝紀八年表十志七十列傳起高祖終王莽二  
百三十九年凡八十餘萬字因既疾死書頗散亂章帝  
令其妹曾世叔妻昭就東觀緝校內八表天文志皆其  
所補也唐太宗子承乾令顏師古爲之注范曄譏曰帝  
主盟蓋亦不然其贊多微文顧讀者弗察耳劉知幾譏  
其古今人物表無益於漢史此論誠然至謂後金匱之  
固雖諂附匪人亦何至是然識者以固書皆因司馬遷  
王商楊雄歆白舊文闕色之故其文章首尾皆善而  
間頗冗瑣良由商之才視數子微劣耳固之自敘稱  
者豈亦謂有所本與



評曰談書未就而卒於遷處書未全而竟於固可謂有  
子而遷下蠶室固就詔獄又何其同禍也遷書以女之  
子楊惲布固書以女弟大家城又何二氏之多賢女也  
伏生之女受經中郎之女傳業今具須眉而迷古今者  
愚矣

杜陵馮衍字敬通幼有奇才年九歲能誦詩至二十而  
博羣書已事劉永降於光武帝然衍等不時至永以立  
功得贖罪遂任用之而衍獨見黜休顯志賦以自勵

在漢中興明帝始詔班固與睢陽令陳宗長陵令尹敏司  
諫從事孟冀作世祖本紀并撰功臣及新市平林公孫述

孟冀孟海  
作孟異尹  
敏劉珍朱  
班班固

恒陽志俱  
注九卷

建武光武  
改元未切  
安帝改元

嘉平書帝  
改元嘉平  
清改嘉平

事作列傳載記二十八篇自是以來春秋世亦以煥炳而忠臣義士莫之撰勒於是又詔史官謁者僕射劉珍及諫議大夫李充雜作紀表名臣節士儒林外戚諸傳起自建武訖手永初事業盡而珍等繼卒復命侍中伏無忌與諫議大夫黃景作諸王王子功臣恩澤侯表南單于西羌傳地理志至嘉元年復令大中大夫邊韶大軍營司馬崔寔議郎朱穆曹壽雜作孝穆崇二皇及順烈皇后傳又增外戚傳入安思等后儒林傳入崔篆諸人寔壽又與議郎延篤雜作百官表順帝功臣孫程郭願及鄭眾蔡倫等傳凡百十有四篇號曰漢記嘉平中光祿大夫馬日磾議郎

漢初魏文  
帝改元太  
始號武帝  
以元  
衆作一作  
衆說

吳本傳  
歷十典列  
傳七十

蔡邕楊彪盧植著作東觀接續紀傳之可成者而邕別作  
朝會車服二志後坐事徙朔方上書求遷續成十志會董  
卓作亂西遷史臣廢棄舊文散逸在許都楊彪頗存注記  
至於名賢君子自本初已下闕續魏黃初中唯著先賢表  
故記殘缺至晉無成太始中秘書丞司馬彪始討論衆作  
綴其所聞起于光武終于孝獻錄世十二編年二百通綜  
上下旁引庶事爲紀志傳凡一十三篇號曰續漢書又散  
騎常侍華嶠刪定東觀記爲漢後書帝紀十二皇后紀二  
典十列傳七十譜三總九十二篇其十典竟不成而卒自  
斯已後作者相繼爲編年者四族創紀傳者五家推其所

延平陽  
改元  
永和順帝  
改元

長華氏居寂而遭晉室東徙三惟一存至宋宣城太守范曄乃廣集學徒窮覽舊籍刪煩補略作後漢書凡十紀十志八十列傳合爲百篇會曄以罪被收其十志亦未成而死先是晉東陽太守袁宏抄撮漢氏後書依荀悅體著後漢紀十三篇世言漢中興史者唯范袁二家而已

### 右說後漢書

陳留李充字大遜延平中徵爲博士遷侍中

伏無忌傳永和元年詔無忌與議郎黃景校定中書五經諸子百家執術元嘉中桓帝詔無忌與黃景崔寔等共撰漢記又自采集古今剛著事要號曰伏侯注其書

上自黃帝下盡漢質帝爲八卷

陳留邊韶字孝先官尚書令著詩頌碑銘書策凡十五篇

南陽延篤字叔堅官京兆尹著詩論銘書應訊表教令凡二十篇

崔寔字子真桓帝初除爲郎論當世便事數十條名曰政論其後拜議郎與邊韶延篤等著作東觀

漢書司徒王允欲殺伯喈太尉馬日磾馳往捄之允不可日磾退而告人曰王公其不長世乎善人國之紀也制作國之典也滅紀廢典其能久乎伯喈死獄中允尋

被害

曹壽字世叔娶班彪之女稱曹大家三輔決錄注曰齊相子穀頗隨時俗注云曹成壽之子也司徒掾察孝燕爲長垣長母爲太后師徵拜中散大夫子穀卽成之字也

永平  
改元

永平中班固陳宗尹敏孟異共撰世祖本紀固又撰列傳載紀二十篇而紀傳始立安帝永初永寧間劉珍駱駝張衡李尤等撰集爲漢紀於是又有名臣烈士傳馬永壽中則有崔寔遼詔延篤朱穆鄧嗣伏無忌之著作熹平甲則有盧植馬日碑蔡邕韓說楊彪之補續又作

靈紀及補諸列傳四十二篇而紀傳益備唯書志缺邕以十意足之十意猶前書十志也邕上書曰光武已來唯記紀傳無續志者臣師太傅胡廣略以所有舊事與臣積累二十餘年得備著作郎建言十志皆當撰錄謹科條詣志臣欲嗣定者一當接續者四前志所無臣欲著者五律曆意第一禮意第二樂意第三郊祀意第四天文意第五車服意第六

光武紀伯升招新市平林兵與其帥王鳳陳牧西擊長聚注云新市縣屬江夏郡故城在今郢州富水縣東北平林地名在今隨州隨縣東北延按卽今承天德安二

府

建武光武  
改元

公孫述字子陽扶風茂陵人王莽天鳳中爲導江卒正  
居臨邛自立爲蜀王都成都建武元年遂僭帝號成家  
後滅於漢

高唐華嶠字叔駿晉侍中惠帝元康初轉秘書監嶠以  
漢記煩穢慨然改作起光終獻一百九十五年爲帝紀  
十二皇后紀二卷十與十卷傳七十卷又三譜序傳目  
錄凡九十七卷易外戚傳爲皇后紀以次帝紀改志爲  
典名漢後書奏之時藏之祕府嶠撰十典未成子暢續  
之永嘉喪亂存者三十餘卷

永嘉  
帝改元



順陽范曄字蔚宗宋吏部郎左遷宣城太守不得志乃  
刪衆家後漢書爲一家之作至於屈伸榮辱之際未嘗  
不致意焉後以逆誅

晁氏曰後漢書九十卷志三十卷宋范曄撰十帝紀八  
十列傳唐高宗令章懷太子賢與劉訥言華希元等作  
註初曄令謝儼撰志未成而曄伏誅儼悉蠟以覆車梁  
世劉昭得舊本因補註三十卷觀曄與甥姪書敘作書  
之意稱自古體大而思精未有如此者又謂諸序論筆  
勢放縱實天下奇作往往不減過秦論常以此擬班氏  
非但不愧之而已其自負如此然世多譏曄創爲皇后

紀及采風俗通中王喬抱朴子中左慈等詭譎事列之  
於傳又贊辭佻巧失史體云

陳氏曰按唐藝文志爲後漢史者有謝承薛瑩司馬彪  
劉義慶華嶠謝沈袁山松七家其前又有劉珍等東觀  
記至曄乃剛取衆書爲一家之作其自視甚不薄然頗  
有略取前人舊文者注中亦著其所從出至於論後有  
贊允自以爲傑思殆無一字虛設自今觀之幾於贊矣  
袁宏字彥伯自吏部郎出爲東陽郡太元初卒撰後漢  
紀三十卷晁氏曰宏在晉末爲一時文宗以東京史籍  
不倫謝承司馬彪之徒錯謬同異無所取正唯張潘紀

太元晉李  
武攸元

以初魏文  
 帝改元太  
 和魏明帝  
 改元  
 傅玄注八  
 表  
 吳孫權  
 大帝

差詳因參撫記傳以損益之比諸家號為精密  
 評曰遷下腐刑而祖述史記者楊惲劉歆楊雄相繼誅  
 辱固斃詔獄而綜續漢書者蔡邕范曄相將就戮韓子  
 所云人禍天刑其說然邪固不可不慎也

魏史黃初太和中始命尚書衛紀繆襲草創紀傳累載不  
 成又命侍中韋誕應璩秘書王沉大將軍從事中郎阮籍  
 司徒右長史孫該司隸校尉傅玄等復共撰定其後王沉  
 獨就其業勒成魏書四十四卷其書多為時諱殊非實錄  
 吳大帝之季年始命太始令丁孚郎中項峻撰吳書峻等  
 俱非史才其文不足紀錄至少帝時更勅韋曜周昭薛瑩

歸命侯注  
十一卷

夏侯湛注  
五卷

孫盛注二  
卷王隱注  
本卷書  
下

梁廣華數訪求往事相與記述竝作之中曜瑩爲首當歸  
命侯時廣昭先亡曜瑩徙黜史官久闕書遂無聞彙表請  
曜瑩續成前史其後曜獨終其書定爲五十五卷至晉受  
命海內大同著作陳壽乃集三國史撰爲國志凡六十五  
篇夏侯湛時亦著魏書見壽所作便壞已草而罷及壽卒  
梁州大中正范曄表言國志明乎得失辭多勸誡有益風  
化願多採錄於是詔下河南尹就家寫其書先是魏時京  
兆魚豢私撰魏略事止明帝其後孫盛撰魏氏春秋王隱  
撰蜀記張勃撰吳錄異聞錯出其流寂多宋文帝以國志  
載紀傷於簡略乃命中書郎裴松之兼採衆書補注其闕

建寧  
改元太  
和魏明帝  
改元

由是世言三國志者以裴注爲本焉

右說三國志

文章志繆襲字熙伯事魏四世多所述敘官至尚書光祿勳

文章敘錄韋誕字仲將太僕端之子有文才善屬辭章建安中爲郡上計吏特拜郎中稍遷侍中中書監太和  
中爲武都太守以能書留補侍中魏氏寶器銘題皆誕書云

應璩字休璉魏文明帝世歷官散騎常侍齊王卽位稍遷侍中典著作

正元尚書  
卿公改元

晉陽王沉字處道正元中侍中典著作與荀顗阮籍共撰魏書多爲時諱未若陳壽實錄高貴鄉公將攻司馬昭召沉及王業告之沉業白昭昭反弑公公論不齒後沉子浚潛謀叛爲石勒所誅

阮籍字嗣宗大將軍從事中郎才藻豔逸而倜儻放蕩行已寡欲以莊周爲模則官至步兵校尉

孫該字公達郎中著魏書

沛郡薛瑩字道言吳散騎中常侍孫皓初爲左執法遷選曹尚書忤皓下獄徙廣州右國史華覈上疏曰大吳受命建國南土大皇帝末年命大史令丁孚郎中項峻

太康晉武  
帝改元

始撰吳書乎峻俱非史才其所撰作不足紀錄至少帝  
時更差韋曜周昭薛瑩呂廣及臣五人共撰立備有本  
末昭廣先亡曜負息蹈罪瑩出爲將復以過徙其書遂  
委滯迄今未撰奏臣愚淺才劣適可爲瑩等記注而已  
若使撰合必襲乎峻之跡懼隆大皇帝之元功損當世  
之盛美瑩涉學旣博文章尤妙同寮之中瑩爲冠首足  
以懷懷爲國惜之實欲使平禹成之功編於前史之末  
奏上詔遂召瑩還爲左國史吳亡入晉太康三年卒著  
書八篇名曰新議

吳郡韋曜字弘嗣曜本名昭史爲晉諱改之少好學能

屬文爲尚書郎遷太子中庶子孫皓卽位爲侍中常領左國史以忤皓見誅

武進華嚴字永先爲祕府郎遷中書丞孫皓卽位遷東觀令領右國史天冊元年以微譴免

聞喜裴松之字世期宋太祖使注陳壽三國志松之爲集傳紀增廣異聞旣成奏上上曰此爲不朽矣

唐志魚豢魏略五十卷王隱刪補蜀記七卷張勃吳錄三十卷

評曰史通言吳歸命侯時廣昭先亡曜瑩徒黜華嚴表請曜瑩續成前史其後曜獨終其書定爲五十五卷考



鳳凰  
詠  
元

之吳志韋曜以吳鳳凰二年付獄華覈表掾不許遂誅  
曜後薛瑩下獄覈又掾之皓允召還吳亡瑩入晉以太  
康三年卒則曜誅在先瑩卒在後乃云覈表曜瑩續史  
曜獨終其書則曜與瑩似若竝存者而曜能終其書也  
且曜傳亦不列曾著吳書若干卷曜獄中上書止言作  
洞記四卷辯釋名一卷未言吳書又覈掾表亦言吳書  
已有頭角敘贊未述豈于玄別有所據邪又云曜瑩徙  
黜吳志瑩徙廣州曜實誅死何得竝言徙黜

晉史洛京時著作郎陸機始撰三祖紀佐著作郎束皙又  
撰十志會中朝喪亂其書不存先是歷陽令陳留王銓有

成康帝  
帝改元

著述才每私錄晉書及功臣行狀未就而卒子隱博學多  
文受父遺業西都事跡多所詳究過江爲著作郎受詔撰  
晉史爲其同僚虞預所斥坐事免官家貧無資書未遂就  
乃依征西將軍庾亮於武昌鎮亮給其紙墨由是獲成凡  
爲晉書八十九卷咸康六年始詣闕奏上隱雖好述作而  
辭拙才鈍其書編次有序者皆銓所修章句混漫者必隱  
所作時尚書郎領國史于寶亦撰晉紀自宣訖愍七帝五  
十三年凡二十二卷其書簡略直而能婉甚爲當時所稱  
晉江左史自鄧粲孫盛之檀道鸞已下相次繼作逮  
則編記兩帝近則唯敘六朝至宋湘東太守何法盛始撰

卷十六  
國史後

晉中興書勒成一家首尾該備齊隱士東莞臧榮緒又集  
東西二史合成一書皇家貞觀中有詔以前後史十有八  
家制作雖多未能盡善乃勅史官更加纂錄採正典與舊  
說數十餘部兼引偽史十六國書爲記十志二十列傳七  
十載記三十并序例目錄合爲百三十二卷自是言晉史  
者皆棄其舊本競從新撰者焉

右說晉書

元城東晉字廣微晉佐著作郎撰晉書帝紀十志太康  
二年汲人發冢得竹書皆隨疑分釋皆有義證所著三  
魏人士傳七代通記晉書紀志遇亂亡失其五經通論

發蒙記補亡詩文集數十篇存

陳郡王隱字處叔父銓歷陽令太興初召隱及郭璞俱爲著作郎令撰晉史時著作郎虞預私撰晉書而生長東南不知中朝事數訪於隱并借隱所著書竊寫之所聞漸廣是後更疾隱形于言色預旣家族交結權貴共爲朋黨以斥隱竟以謗免黜歸于家貧無資用書遂不就乃依征西將軍庾亮於武昌亮共其紙筆書乃得成詣關上之庾亮字元規晉中書令

餘姚虞預字叔寧散騎常侍領著作著晉書四十餘卷  
會稽典錄二十篇

長沙鄧粲桓冲請爲別駕著元明紀十篇

山陰謝沉字行思何充庾冰竝稱沉有史才遷著作郎  
撰晉書三十餘卷著後漢書百卷

王韶之字體泰私撰晉安帝陽秋及成時人謂宜居史  
職除著作佐郎使續後事訖義熙九年晉安帝之崩武  
帝使韶之與帝左右密加酖毒武帝受命復掌宋書  
臧榮緒東莞宮人純篤好學括東西晉爲一書紀錄志  
傳百一十卷隱居京口教授

晉史十八家隋志晉書有王隱八十六卷虞預二十三  
卷朱鳳十卷本十四卷訖元帝謝靈運三十六卷臧榮

緒一百十卷蕭子雲十一卷本一百二卷梁有鄭忠七  
卷沈約一百十一卷庾銑東晉新書七卷亡又蕭子顯  
晉史草三十卷梁張緬晉書鈔三十卷張氏晉書鴻烈  
六卷中興書有何法盛七十八卷晉紀有陸機四卷干  
寶二十三卷曹嘉之十卷鄧粲十一卷宋劉謙之二十  
五卷南史云二十卷王韶之十卷徐廣四十五卷郭季  
產續五卷陽秋有習鑿齒孫盛檀道鸞之書卷又有荀  
綽晉後略記五卷唐志又有晉錄五卷

自觀二十年閏三月詔曰晉史十有八家雖存記注才  
非良史書虧實錄榮緒煩而寡要行思勞而少功叔寃

元嘉宋文  
帝改元

味同畫餅子雲學堙泗流處叔不預於中興法盛莫通  
於創業洎乎干陸曹鄧略紀帝王鸞盛廣松纔編載祀  
其文既野其事罕有延按此詔便知諸史優劣

評曰貞觀中所脩晉書前無序止云太宗文皇帝御撰  
夫修史史臣職也今書果出御撰是主行臣職使不出  
御撰是主掠臣美亡一可者也書後有音義三卷天寶  
間左史弘農楊齊宣平衡撰凡所訓釋必求典故大爲  
此書之助

宋史元嘉中著作郎何承天草創紀傳自此以外悉委奉  
朝請山謙之補承天殘缺後又命裴松之續成國史松之

孝建大明  
俱宋孝武  
帝改元蘇  
寶山宋史  
作寶生

永光宋廢  
帝改元

義熙晉安

帝改元昇

明宋順帝

改元三年

宋亡

裴子野注

一卷

宋明齊武

帝改元

尋卒史佐孫冲之表求別自創立爲一家之言孝建初又  
勅南臺侍御史蘓寶山續造諸傳元嘉名臣皆其所撰寶  
山被誅大明六年又命著作郎徐爰踵成前作爰因何孫  
山蘓所述勒爲一書其臧質魯爽王僧達諸傳又皆孝武  
自造而序事多虛難以取信自永光已後至禪讓十餘年  
中闕而不載至齊著作郎沈約更補綴所遺製成雜史自  
義熙肇號終乎昇明三年爲紀十志三十列傳六十合百  
卷名曰宋書永明末其書既行河東裴子野更刪爲宋略  
二十卷沈約見而歎曰吾所不逮也由是世之言宋史者  
以裴略爲上沈書次之



右說宋書

唐志徐爰宋書四十二卷孫嚴宋書五十八卷沈約宋書一百卷王智深宋紀三十卷裴子野宋略二十卷鮑衡卿宋春秋二十卷王琰宋春秋二十卷

南琅邪徐爰字長玉先是元嘉中使著作郎何承天草創國史孝武初又使奉朝請山謙之南臺御史蘇寶生踵成之孝建六年又以魏碩著作郎使終其業爰雖因前作而專爲一家之書上表起元義熙爲王業之始載序宣力爲功臣之斷於是內外博議太宰江夏王義恭等二十五人同爰宜以義熙元年爲斷散騎常侍巴陵

元興晉文  
帝改元

蘇軾  
太武

王休若尚書金部郎檀道鸞二人謂宜以元興三年爲  
始太學博士虞翻謂宜以開國爲宋公元年詔曰項籍  
聖公編錄二漢前史已有成例桓玄傳宜在宋典餘如  
爰議

蘇寶者名寶生本寒門有文義之美元嘉中立國子學  
爲毛詩助教爲太祖所知官至南臺侍御史江寧令坐  
知高閹反不卽啓聞與閹共伏誅

東莞臧質字含文世祖卽位以質爲都督江州諸軍事  
後同義宣謀反伏誅

扶風魯爽小名女生爽少有武藝爲主拓跋燾知之常

瓜步在  
今揚州

置左右肅始南行遣爽隨永昌王庫仁真向壽陽與弟  
瑜共破劉康祖於尉武仍至瓜步始得與秀歸南上大  
說詔爽征虜將軍司州勅史後與義宣臧質同叛伏誅  
琅邪王僧達大明元年遷左衛將軍領太子中庶子以  
歸順功封宜陵縣侯遷中書令因高閹事陷之於獄賜  
死

武康沈約字休文梁尚書僕射封建昌縣侯約少時常  
以晉無全書便有撰述意宋泰始初征西將軍蔡興宗  
啓明帝敕許焉踰二十年書方就凡百餘卷條流雖舉  
而採綴未周永明初遇盜失第五帙又齊建元四年敕

妳音乃乳也

沈約生本  
卷吳均序

撰國史永明二年撰次起居注五年敕撰宋書六年二月畢表上之其所撰國史爲齊紀二十卷天監中撰梁武紀十四卷

東海何承天劉宋著作佐郎撰國史承天年已老而請佐郎竝名家年少潁川荀伯子朝常呼爲妳母承天曰卿當云鳳凰將九子妳母何言邪

齊史江淹始受詔著述以史之所難無出於志故先著十志以見其才沈約復著齊紀二十篇紀八志十一列傳四十合成五十九篇時奉朝請吳均亦表請撰齊史乞給起居注并羣臣行狀有詔齊氏故事布在流俗聞見旣多可

自搜訪也均遂撰齊春秋三十篇其書稱梁帝及明佐  
命帝惡其實詔燔之然其私本竟能與蕭氏所撰並傳於  
後

右說齊書

濟陽江淹字文通齊建元二年始置史官淹與司徒左  
長史檀超共掌其任著齊史十志

唐本行卿  
作衡卿

梁史武帝時沈約與給事中周興嗣步兵校尉鮑行卿秘  
書監謝昊相承撰錄已有百篇值承聖淪沒竝從焚蕩廬  
江何之元沛國劉璠以所聞見究其始末合撰梁典三十  
篇而紀傳之書未有其作陳祠部郎中姚察有志撰勒施

疽音唯  
七餘切

功未周但既當朝務兼修國史至於陳亡其書不就

### 右說梁書

陳郡周興嗣字思纂員外散騎侍郎佐撰國史與嗣兩  
手先患風疽又染癘疾左目盲武帝撫其手嗟曰斯人  
而有斯疾手疏疽方賜之所撰實錄起居注職儀等百  
餘卷

唐志周興嗣梁皇帝實錄二卷謝吳梁皇帝實錄五卷  
梁太清實錄十卷鮑行卿乘輿飛龍記二卷謝吳梁典  
三十九卷劉璠梁典三十卷何之元梁典三十卷  
陳史初有吳郡顧野王北地傅縡各爲撰史學士其武文

太建陳文帝

二帝紀卽顧傳所修太建初中書郎陸瓊續撰諸篇事傷煩雜姚察就加刪改粗有條貫及江東不守持以入關隋文帝常索梁陳事跡察具以所成每篇續奏而依違荏苒竟未絕筆皇家貞觀初其子思燕爲著作郎奏詔撰成二史於是憑其舊藁加以新錄彌歷九載方始畢功述爲梁書五十六卷陳書三十六卷今竝行世焉

右說陳書

靈州傅綽

音

字宜事陳文帝召爲撰史學士後主賜死

獄中

吳郡顧野王字希馮陳天嘉中敕補撰史學士太建中

太建陳文帝

永定陳武  
帝改元至  
德陳後主  
改元

領大著作掌國史知梁史事撰通史要略一百卷國史  
紀傳二百卷未就而卒

吳郡陸瓊字伯玉太建中領大著作撰國史初瓊父雲  
公奉梁武勅撰嘉瑞記瓊述其旨而續焉自永定訖于  
至德勒成一家言遷吏部尚書著作如故

武康姚察字伯審尚書徐陵領大著作引爲史佐陳亡  
入隋授祕書丞別敕成梁陳二史未畢文帝遣舍人虞  
世基索本且進臨亡戒子思廉撰續思廉在陳爲法曹  
參軍

十六國史前趙劉聰時領在國史公師或撰高祖本紀及



建興元年  
金明元年

功臣傳二十人甚得良史之體凌修譖其訛謗先帝賜怒而誅之劉曜時平與子和苞誤趙記十篇事止當年不終曜滅後趙石勒命其臣徐光宗歷傳賜郭愔等撰上黨國記起居注趙書其後又令王蘭陳宴程陰徐機等相次撰述至石虎註令刊削使勒功業不傳其後燕太傅長史田融宋尚書庫部郎郭仲產北中郎參軍王度追撰石事集鄴都記趙記等書前燕有起居注杜輔全錄以爲燕紀後建興元年董統受詔草創後書著本紀并佐命功臣王公列傳合三十卷慕容垂稱其敘事富贍足成一家之言但褒述過美有懸董史之直其後申秀范享各取前後二燕

名疑索綬  
著指錄

明劉昫即延

合成一史南燕有趙郡王景暉嘗事德超撰二主起居注  
超亡仕於馮氏官至中書令仍撰南燕錄六卷蜀初號曰  
成後改稱漢李勢散騎常侍常璩撰漢書十卷後入晉秘  
閣改爲蜀書璩又撰華陽國志具記李氏興滅前凉張駿  
十五年命其西曹邊瀏集內外事以付秀才索綬作凉國  
春秋五十卷又張仲華護軍祭軍劉慶在東苑專修國史  
二十餘年著凉記十二卷建康太守索暉從事中郎劉昫  
又著凉書前秦史官初有趙淵車敬梁熙韋譚相繼著  
述符堅嘗取而觀之見苟太后幸李威事怒而焚滅其本  
後著作郎董誼追錄舊語十不一存及宋武帝入關曾訪

仇池名

其始夏據  
連勃初改  
元承光夏  
并連昌  
元  
呂氏呂光  
馮氏馮跋

秦國事又命梁州刺史吉翰問諸仇池竝無所獲先是秦  
秘書郎趙整然撰國史值秦滅隱於南洛山著書不輟有  
馮翊車頰助其經費整卒翰乃啓類纂成其書以元嘉九  
年起至二十八年方罷定爲三卷而年月失次首尾不倫  
河東裴景仁又正其訛僻剛爲秦記十一篇後秦扶風馬  
僧虔河東衛隆景竝著秦史及姚氏之滅殘缺者多泓從  
弟和都仕魏爲左氏尚書又追撰秦紀十卷夏天水趙思  
羣北地張淵於真興承光世竝受命著其國書及統萬之  
亡多見焚燒西涼與西秦北燕其史或當代所書或他邦  
所錄段龜龍記呂氏宗欽記秃髮氏韓顯宗記呂馮氏唯

景明至始  
皆魏主格  
改元永安  
魏主帝故  
改元

此三者可知自餘不詳推作魏世黃門侍郎崔鴻乃考覈  
衆家辨其同異除煩補闕錯綜綱紀易其國書曰錄正紀  
曰傳都謂之十六國春秋鴻始以景明之初求諸國逸史  
逮至始元年鳩集稽備而已猶闕蜀事不果成書推求十  
有五年始於江東購獲乃增其篇目勒爲十卷鴻歿後永  
安中其子繕寫奏上請藏諸秘閣由是僞史宣布大行於  
時

右說十六國春秋

唐藝文志常璩華陽國志十三卷又漢書十卷蜀李書  
九卷和苞漢趙紀十四卷田融趙石紀二十卷又二石

紀二十卷符朝雜記一卷王度隨觀二石偽事六卷二  
石書十卷范亨燕書二十卷王景暉南燕錄六卷張銓  
南燕書十卷高開燕志十卷段龜龍涼記十卷西河記  
二卷張諮涼記十卷劉昞涼書十卷又墩煌實錄二十  
卷裴景仁秦記十一卷杜惠明注拓拔涼錄十卷桓玄偽事  
二卷鄴洛鼎峙記十卷守節先生天啓紀十卷崔鴻十  
六國春秋一百二十卷蕭方等三十國春秋三十卷李  
桀戰國春秋二十卷蔡允恭後梁春秋十卷武敏之三  
十國春秋一百卷右偽史類一十七家二十七部五百  
四十二卷

失姓名  
三家

太興晉元  
帝改元

咸康  
晉成帝改  
元

劉聰字玄明漢劉淵第四子也十五月而生永嘉四年  
僭號劉曜字永明淵族子太興元年僭號國號趙石勒  
擒而殺之

石勒字世龍上黨武鄉羯人太興二年僞稱趙王咸和  
五年僭號趙天王石虎字季龍勒從子也弒勒子弘以  
咸康三年僭號

傅暢晉司徒祗子也祗守三渚病卒城陷劉聰贈祗太  
保謂祗子暢曰尊公雖不達天命然各忠其主吾亦亮  
之卿知漢德弘曠不暢曰陛下每嘉先臣不以小臣而  
虧其忠節是恩也自是明主伐國弔人之義臣輒同萬

物未敢說生於自然

評曰石勒載記勒趙王元年傳暢杜嘏爲經學祭酒任播崔濟爲史學祭酒命記室佐明楷程機撰上黨國記中大夫傅彪賈蒲江軌撰大將軍起居注叅軍石泰石同石謙孔隆撰大單于志徐光爲中書令領秘書監皆有關史事而史通未詳載當別有所考

趙書徐光字季武頓丘人年十四五爲將軍王陽祿馬光但書馬屋柱爲詩不親馬事

凉州張寔傳魯遣和苞帥兵掠南陽王保則苞亦魯事張氏劉曜時苞爲侍中上諫興作疏曜納之封平興子

永和晉穆  
帝改元

太元晉孝  
武改元

領諫議大夫

張駿字公庭執之子拜涼州牧子重華字泰臨永和二年自稱假涼王

慕容垂字道明號第五子以太元十一年僭卽位號後燕慕容德字玄明號少子魏師入中山慕容寶出奔二  
薊慕容詳又僭號會劉藻自姚興而至與太史令高魯  
遣其甥王景暉隨藻送玉璽一紐并圖讖秘文曰有德  
者昌無德者亡德受天命柔而復剛因勸德卽尊號德  
卒傳位於超超字祖明德兄子爲劉裕所滅

李勢字子仁壽之長子也嗣僞位於成都後爲晉滅



義熙皇帝元

苻堅母少寡將軍李威有辟陽之寵史官載之至是堅收起居注及著作錄而觀之見其事漸怒及焚其書而大檢史官將加其罪若作郎趙泉車敬等已死乃止

趙泉避唐高宗改泉

苻堅分帑戶於諸鎮秘書郎趙整因侍援琴而歌曰阿得腊阿得腊博勞舊父是雛緩尾長翼短不能飛遠徒種人留鮮卑一旦緩急語阿誰堅笑而不納

姚泓字元子興之長子也以義熙十二年僭卽帝位後爲晉斌

古翰字休文馮翊池陽人

仇池山在鞏昌府成縣西北一百里四面壁立峭絕險固自然有樓櫓却敵狀上有平地方二十餘里羊腸盤道三十六迴有豐水煮玉成鹽

段龜龍涼州記曰呂纂咸寧三年胡人發張駿冢得玉簫玉笛

赫連勃勃以叱于阿利領將作大匠發嶺北夷夏十萬人於朔方水北黑水之南營起都城勃勃自言朕乃統一天下君臨萬邦可以統萬爲名

崔鴻字彥鸞光從子也魏正光元年前將軍脩孝文宣武起居注光撰魏史末就每云此史會非我世所成但

正光魏孝  
明帝改元

道武帝珽  
紀本祖明  
元名嗣珽  
之子也  
神龜元年  
改元  
成始加

須記錄時以待後人臨夢言鴻於孝明五年詔鴻以本  
官脩緝國史未有所就尋卒鴻見晉魏前史皆成一家  
無所措意以劉元海石勒慕容儁苻健慕容垂姚萇慕  
容德赫連屈于張軌李雄呂光乞伏國仁禿髮烏孤李  
暕沮渠蒙遜馮跋等竝因世故跨僭一國乃撰爲十六  
國春秋勒成百卷因其舊記時有增損褒貶焉

元魏史道武時始令鄧淵著國記爲十卷而條例未成暨  
乎明元廢而不述神龜二年又詔集諸文士崔浩浩弟覽  
高閭鄧穎晁維范亨黃輔等撰國書爲十卷又特命浩總  
監史任務從實錄復以中書郎高允散騎侍郎張偉竝參

文成帝  
大武皇帝

孝文帝  
獻文帝  
子也

孝明帝  
魏主  
也

著作續成前史書敘述國事無隱惡而刊石寫之以示行  
路浩坐此夷三族同作死者百二十八人自是遂廢史官  
至文成帝和平元年始復其職而以高允典著作修國記  
允年已九十手目俱衰時有校書郎中劉模長於緝綴乃  
令執筆而口占授之如是者五六歲所成篇卷模有力焉  
初國記自郗崔以下皆相承作編年體至孝文大和十一  
年詔秘書丞李彪著作郎崔光始分爲紀傳異科宣武時  
命邢巒追撰孝文起居注既而崔光遵業補續下訖孝明  
之世溫子昇復修孝武紀濟陰王暉業撰辨宗室錄魏史  
官私所撰盡於斯矣齊天寶二年勅秘書監魏收博採舊

孝靖皇帝  
見高祖  
為中山王  
孝恭之

孝懷高祖

聞勒成一史又令刁柔辛元植方延祐睦仲讓裴昂之高  
孝幹等勸其編次收所取史官懼相凌忽故刁辛諸子竝  
乏史才唯以髣髴學流憑附得進於是大徵百家譜狀斟  
酌以成魏書上自道武下終孝靖紀傳與志凡百三十卷  
收諂齊氏於魏室多不平既黨北朝又厚誣江左性憎勝  
己喜念舊惡甲門盛德與之有怨者莫不被以醜言沒其  
善事遷怒所至毀及高曾書成始奏詔收於尚書省與諸  
家論討前後列訴者百有餘人時尚書令楊遵彥一代貴  
臣勢傾朝野收傳其家傳甚美是以深被黨援諸訟史者  
皆獲重罰或斃於獄中羣然謗聲不息孝昭世勅收更加

研審然後宣布於外書成嘗訪諸羣臣猶云不實又令治改其所變易甚多由是世薄其書號爲穢史至隋開皇初著作郎魏澹與顏之推辛德源更撰魏書矯正枚失淡以西魏爲真東魏爲僞故文恭列紀孝靖稱傳合紀傳論例總九十二篇煬帝以澹書猶未能善又勅左僕射楊素別撰學士潘徽褚亮歐陽詢等佐之會素薨而止今世稱魏史者猶以收本爲主焉

右說後魏書

河東崔浩字伯深魏司徒總理史務以侍郎高允張偉參著作續成前紀至於褒貶折衷浩所摠焉浩又以晉

荀音鉅

書多誤者晉後書未就傳世者五十餘卷初道武詔秘書郎鄧彥海著國記十餘卷體例未成神麋二年詔集諸文人撫錄國書浩及弟覽高讜鄧穎晁繼范享黃輔等共參著作敘國書三十卷著作令史太原閔堪趙郡却標素諳事浩乃請立石銘載國書以彰執筆浩書國事備而不典而石銘顯在衢路北人咸悉忿毒相與構浩帝大怒誅浩

范享一作亨

安定鄧穎彥海子也官中書侍郎

高允字伯恭渤海脩人神麋四年與盧玄等俱被徵拜中書博士領著作郎與司徒崔浩述成國記拜中書令

雖久典史事然不能專勤屬述時與校書郎劉模有所  
緝綴大較依續崔浩故事準春秋體而時有刻正自文  
成迺于獻文軍國書檄多允作也

信都劉模高允撰國記選爲校書郎常令模持管籥每  
日同入史閣接膝對筵屬述時事允年已九十手目稍  
衰多遣模執筆而占授裁斷之如此者五六歲允所成  
篇卷模預有功

太原張偉字仲業魏太武時與高允等同召累遷中書  
侍郎

楊愔字遵彥華陰人北齊尚書令開封王忠而被誅人



皆寃之

元暉業魏宗室齊陰王孫也紹封王魏亡入齊降美陽縣公撰魏藩王家世名辨宗錄四十卷文宣忌而殺之臨刑神色自若

雍奴高閭字閭士少好學爲車子送祖至平城脩刺詣崔浩浩與語奇之間本名驢浩乃改爲閭而字焉由是知名和平末爲中書侍郎高允舉以自代遂爲獻文所知參論政事詔令書檄碑銘贊頌皆其文也宣武踐阼詔授光祿大夫與高允稱二高

頓丘李彪字道固魏孝文初爲祕書丞密著作事自崔

和平魏主  
濂改元

浩高允著述國書編年爲春秋體遺落時事彪與秘書  
令高祐始奏從遷固體創爲記傳表志之目帝謂僕射  
李冲曰崔光之情李彪之直是我國得賢之基後除名  
會赦得免宣武時彪與王肅郭祚崔光劉芳甄琛邢  
巒等善求復舊職彪乃表曰故著作漁陽傅毗北平陽  
尼河間邢產廣平宋弁昌黎韓顯宗竝舉注述登年不  
未前著作程璽蚪同時應舉今徙他職官非所司唯著  
作崔光一人雖不移任然侍官兩兼故載述致闕今乞  
一靜處綜理國籍以終前志詔彪兼通直散騎常侍彪  
在秘書歲餘史業竟未成就然區分書體皆彪之功

太和魏書  
文帝改元

天保齊書  
高祖改元

清河崔光本名孝伯字長仁孝文賜名焉拜著作郎與  
秘書丞李彪參撰國書太和末彪解著作光專史事宣  
武居諒闇彪上表求成魏書詔許之彪遂以白衣於秘  
書省著述光以彪意在專功表解著作讓彪宣武不許  
河間邢巒字洪賓博覽書傳有文才幹略元魏殿中尚  
書

勃海刁柔字子溫齊天保初博士魏收撰魏史啓柔等  
同事柔性專固自是收常嫌憚且志在偏黨魏書中與  
有連者竝虛美過實爲時論所譏

太原溫子昇字鵬舉歸魏爲郎中脩起居注高澄引爲

諮議及元瑾劉思逸荀濟等謀誅澄澄疑子昇與謀方  
使之作神武碑文既成乃餓諸晉陽獄食弊襦而死棄  
屍路隅沒其家口長史宋游道收葬之又集其文三十  
五卷

臨沂顏之推字介世善周官左氏仕梁梁亡奔齊齊亡  
入周周亡入隋太子召爲文學撰家訓二十篇

狄道辛德源字孝基隋牛弘奏與王劭同脩國史德源  
撰集注春秋三傳三十卷注揚子法言二十三卷

錢塘褚亮字希明隋東宮學士坐與楊玄感善貶西海  
司戶時博士潘徽貶威定主簿亮與俱至隴山徽死爲

天統齊後  
主高緯改  
獻武即  
高歡改  
神武文宣  
高洋繼也

欽瘞人皆義之貞觀中遷散騎常侍

臨湘歐陽詢字信本初倣王羲之書後險勁過之貞觀  
初歷太子率更令弘文館學士

高齊史天統初太常少卿祖孝徵述獻武起居名曰黃初  
傳天錄時中書侍郎陸元規常從文宣征討著皇帝實錄  
惟記行師不載它事自武平後史官陽休之杜瑩卿祖崇  
儒崔子發等相繼注記逮於齊滅隋秘書監王劭內令史  
李德林並少仕鄴中多識故事王乃馮述起居注廣以所  
聞造編年書號曰齊志十有六卷志序云三十卷今世  
間傳者唯十六卷焉李  
在齊預修國史創紀傳書二十七卷至開皇初奉詔續撰

增多齊史三十八篇已上送官藏之秘府皇家貞觀初勅其子中書舍人百藥仍其舊錄雜採它書演爲五十卷今之言齊史者唯王李二家云

右說北齊書

范陽祖珽字孝徵西齊著作郎欲以代魏收主簿李肅聞而告人曰詔誥悉歸陽子烈著作復遣祖孝徵文史頓失恐魏公發背珽旣盲拜尚書左僕射監國史與和士開穆提婆表裏爲姦

祖崇儒珽族弟也涉學有辭少以幹局知名武平末通直常侍入周爲洛昌郡太守入隋終宕州長史

晉書  
卷一百一十五  
元閔帝恭改

陸元規高齊中書侍郎後以應對忤旨被配甲坊

無終陽休之字子烈齊太尉記室參軍李神儁監起居  
注啓休之與河東裴伯茂范陽盧元伯河間邢子才俱  
入撰次晉泰中與魏收李同軌等脩國史

曲陽杜臺卿字少山齊中書侍郎脩國史隋開皇初采  
月令觸類廣之爲書名玉燭寶典十二卷拜著作郎撰  
齊記二十卷

博陵李德林字公輔齊中書侍郎詔脩國史時齊帝留  
情文雅召與顏之推同判文林館事累遷儀同三司周  
武帝平齊遣使就宅宣旨云平齊之利惟在於爾入隋

與太尉于翼高頴等同脩律令于百藥字重規幼多病  
祖母趙以百藥名之開皇初授學士貞觀二年除禮部  
侍郎撰齊史百藥于安期貞觀初爲符璽郎高宗卽位  
遷中書舍人尋檢校東臺侍郎自德林至安期三世掌  
制誥孫義仲又爲中書舍人

困學紀聞伐吳之役利獲二俊張華之稱陸機雲也平  
齊之利唯在於爾周高祖之諭李德林也機雲於河橋  
之役與王師爲敵其不忠大矣德林願以死奉楊堅復  
以所事齊者事周矣二國何利焉是以持國必崇名節  
持身必守行誼



宇文周史大統有秘書丞柳虬兼領著作真辭正色事有  
可稱至隋開皇中秘書監牛弘追撰周紀十有八篇略敘  
紀綱仍皆抵忤皇家貞觀初勅秘書丞命狐德恭秘書郎  
岑文本共加修緝定爲周書五十卷

右說後周書

通考晁氏曰周書五十卷唐令狐德恭等撰本紀八列  
傳四十二初周有柳蚪隋牛弘各有撰次率多抵牾貞  
觀中德恭請撰次乃詔與陳叔達唐儉共成之先是蘇  
綽兼周政軍國詞令多堆尚書牛弘爲史老務清言德  
恭因之以成是書故多非實錄宋仁宗時出太清樓本

合史館秘閣本又募天下書而取夏竦李義家本下館  
閣正其文字其後林希王安國上之

宜州令狐德棻武德初秘書丞建言近代無正史帝詔  
中書令蕭瑀給事中王敬崇著作郎殷開禮主魏中書  
令封德彝舍人顏師古主隋大理卿崔善爲中書舍人  
孔紹安太子洗馬蕭德言主梁太子詹事裴矩吏部郎  
中祖孝孫秘書丞魏徵主齊秘書監竇璡給事中歐陽  
詢文學姚思廉主陳侍中陳叔達太史令庾儉及德棻  
主周整振論譏多歷年不就罷之貞觀三年復詔撰定  
議者以魏有魏收魏澹二家書爲已詳惟五家史當互

德棻更與秘書郎岑文本殿中侍御史岑仁師次周喪  
中書舍人李百藥次齊史著作郎姚思廉次梁陳二史  
秘書監魏徵次隋史左僕射房玄齡總監脩撰原自德  
棻發之書成遷禮部侍郎兼脩國史

鄧州岑文本字景仁唐秘書郎中書令

隋史當開皇仁壽時王劭爲書十八卷以類相從定其篇  
目至於編年紀傳並闕其體煬帝世唯有王胄等所修大  
業起居注及江都之禍仍多散逸皇家貞觀初勅中書侍  
郎顏師古給事中孔穎達共撰成隋書五十五卷與新撰  
周史並行於時初太宗以梁陳及齊周隋氏並未有書仍

命學士分修事具於上仍使秘書監魏徵總知其務凡有  
讚論徵多預焉始以貞觀三年創造至十八年方就唯魏  
貞觀二年功合為五代紀傳并目錄凡二百五十二卷  
多於諸史一歲書成下於史閣唯有十志斷為三十卷尋擬續奏未有其  
文又詔左僕射于志寧太史令李淳風著作郎韋安仁符  
璽郎李延壽同撰其先撰史人唯令狐德棻重預其事太  
宗崩後刊勒始成其篇第雖編入隋書其實別行俗呼為  
五代史志

右說隋書

評曰通考晁氏云隋文帝命顏之推等別修魏史唐貞

觀中陳叔達亦作五代史皆不傳獨收書在宋命劉恕  
等校正陳氏云隋文帝命魏澹等更撰魏書九十二卷  
今皆不傳而收書獨行中興書目謂所闕太宗紀以澹  
補之闕志以張太素書補之二書旣亡惟此紀志獨存  
崇文總目云世以收史爲主故澹書亡闕夫旣稱穢史  
矣乃穢者獨存而世以穢者爲主意其中必有一段不  
可磨滅者當時之愛憎豈盡足爲邪

臨沂王曹宇承基隋著作佐郎文詞爲煬帝所重

魏州魏徵字玄成唐秘書監檢校侍中著隋書

京兆顏師古字籀唐中書侍郎太宗嘗歎五經去聖遠

傳習寢訛詔師古於秘書省考定多所釐正爲太子承  
乾注班固漢書人謂杜征南顏秘書爲左班忠臣所注  
漢書急就章大顯

冀州孔穎達字仲達拜祭酒初穎達與顏師古司馬才  
章王恭王琰受詔撰五經義訓凡百餘篇永徽二年于  
志寧張行成高季輔就加增損書始布

通考晁氏曰隋書八十五卷唐魏徵等撰紀五列傳五  
十五長孫無忌等撰志三十初詔顏師古孔穎達脩述  
徵總其事序論皆徵自作復又詔于志寧李淳風韋安  
仁李延壽同脩五代史志無忌上之詔編第入隋書人

蓋梁齊書  
帝改元武  
德唐高祖  
改元  
許敬宗  
撰顧胤注  
十一卷

亦號五代史志天文律曆五行三志淳風獨作陳氏曰  
十志高宗時始成上總梁陳齊周之事俗號五代志  
岐州李淳風以將士郎直太史局遷太常博士改太史  
丞與諸儒脩書遷為令

惟大唐之受命也義寧武德間工部尚書溫大雅首撰創  
業起居注三篇自是司空房玄齡給事中許敬宗著作佐  
郎敬播相與自立編年體號為實錄迄乎三帝世有其書  
貞觀初姚思廉始撰紀傳粗成三十卷至顯慶元年太尉  
長孫無忌與于志寧令孤德柰著作郎劉胤之楊仁卿起  
居郎顧胤等因其舊作綴以後事復為五十卷雖云繁雜

長壽武后  
改元

時有可觀龍朔中敬宗又以太子少卿總統史任更增前  
作混成百卷如高宗本紀及永徽名臣四夷等傳多是其  
所造又起草十志未半而終敬宗所作紀傳或曲希時旨  
或猥釋私憾凡有毀譽多非實錄必方諸魏伯起亦猶張  
衡之蔡邕焉其後左史李仁實續撰于志寧許敬宗李義  
府等傳載言紀事見推直筆惜其短歲功業未終至長壽  
中春官侍郎牛鳳及又斷自武德終于弘道撰爲唐書百  
有十卷鳳及以暗瞽不方而輒議一代大典凡所纂錄皆  
素貴私家行狀而世人敘事罕能自達或言皆比興全類  
咏訶或語多鄙樸實同文案而總入編次了無釐革其有



朱敬則徐  
聖賢註  
十卷

出自冒臆申其機行發言則嗤鄙怪誕敘事則參差倒錯  
故閱其篇第豈謂可觀披其章句不識所以旣而悉收姚  
許諸本欲使其書獨行由是皇家舊事殘缺殆盡長安中  
余與正諫大夫朱敬則司封郎中徐堅左拾遺吳兢奉詔  
更撰唐書勒成八十卷神龍元年又與兢等重修則天實  
錄編爲二十卷夫舊史之壞其亂如絕錯綜艱難甚月方  
畢雖言無可擇事多遺恨庶將來削藁猶有憑焉大抵自  
古史臣撰錄其梗槩如此蓋屬詞比事以月繫年爲史氏  
之根本作生人之耳目者略盡於斯矣自餘編記小說則  
不暇具而論之

晁氏曰唐創業起居注五卷唐黃門侍郎溫大雅彥弘  
撰紀高祖建義至受隋禪用師符讖受命典冊事大雅  
并州祁人

臨淄房玄齡字喬尚書左僕射監脩國史

姚思廉本名簡以字行陳尚書察之子察在陳嘗脩梁  
陳二史未就思廉續之煬帝又詔與魏徵共撰梁  
脩區寓圖志改著作郎弘文館學士詔與魏徵共撰梁  
陳書思廉采謝昊顧野王等諸家言推究綜括爲梁陳  
二家史以卒父業

唐志乙部史錄十三類一曰正史類七十家九十部四

千八十五卷失姓名二家始於司馬遷史記終於隋書

志又有集史摭七十三家六十九部見後司馬氏史記有裴駟徐廣鄒誕

生許子儒劉伯莊之音解班氏漢書有服虔應劭諸葛

亮孟康晉灼韋昭崔浩孔文祥劉嗣夏侯詵包愷蕭該

陰景微項岱劉寶陸澄韋稜姚察顏游秦僧靜李善

顧穆顏師古之音注論駁及高宗之銓定失姓名正名

氏義英華二家東漢則有劉珍謝承薛瑩司馬彪劉義

慶華嶠謝朓袁山松范曄張瑩之書劉昭劉熙蕭該劉

芳臧兢太子賢韋機之補注音義三國有王沉陳壽韋

昭晉有王隱虞預朱鳳謝靈運臧榮緒于寶蕭子雲何

法盛及房玄齡等所修宋有徐爰孫嚴沈約王智深齊  
梁陳有蕭子顯劉滂謝昊姚察顧野王傅縡姚思廉元  
魏北齊周隋有魏收魏澹李德林王劭張大素李百藥  
令狐德棻顏師古等不著錄者王元感至裴安時二十  
三家一千七百九十卷史記之學則有王元感徐堅李  
鎮陳伯宣韓琬司馬禎劉伯莊張守節竇羣裴安時漢  
書之學則劉伯莊敬播元懷景姚珽沈遵李善晉書音  
注則徐堅高希嶠何超及齊梁陳周隋之史武德貞觀  
兩朝史吳兢等唐書國史至裴安時元魏書終焉延按  
史通此卷目曰古今正史則自馬遷至唐正史作者悉

備此條故附卷末以備參考

第十二卷終